



PROVÌNTZIA DE ARISTANIS

REGULAMENTU ISPETZIALE PRO PÒNNERE ARROSU IN SA PROVÌNTZIA DE ARISTANIS

Ponende in pràtica s'art. 204 e afat. Testu Ùnicu de is Leges sanitàrias R.D. n.1265 de su 27.07.1934

Aprovadu cun delìbera de su Consìgiu Provintziale n. 44 de su 21/10/2014

PREMISSA

Art. 1

Pro pònnere arrosu in sa Provìntzia de Aristanis tocat a s'ghire, in prus de su testu ùnicu de is leges sanitàrias, aprovadas cun Decretu Règiu de su 27 de argiolas de su '34 n.1265, su Regulamentu Generale n.157 de su 29 de martzu de su 1908, e finas etotu is disponimentos chi pertocant sa disciplina de su traballu e de is normas chi sunt in custu Regulamentu.

TÌTULU II

CÀRCULU DE SA DISTÀNTZIA PRUS CURTZA E DE SA ZONA DE RISPETU

Art. 2

In sa Provìntzia de Aristanis, faghet a pònnere arrosu cunforma a is distàntzias prus curtzas chi s'ghint:

- dae biddas ischeradas segundu a s'art. 3 afatante:m. ..50
- dae domos ispaniadas e istariomos:m. ..50
- dae domos chi serbint a is siendas de arrosu:m. ..10
- dae ispidales, domos de cura e iscolas:.....m. 200
- dae insediamentos produtivos diversos, dae istruturas de servìtziu, dae campusantos:m. 100
- dae impiantos isportivos:m. ..50
- dae puntos de captazione de s'abba bella a bufare pro usu umanu:.....m. 200

Is limites de distàntzias de prima non balent pro is arrosàias giai prantadas o chi giai ddoe fiant prima de intrare in vigore custu regulamentu cunforma a s' Art. 206 de su decretu règiu n. 1265 de su 1934.

Is àreas prantadas immui a s'ora de àere aprovalu custu regulamentu dd'as a depent ischerare is Comunos in sa planimetria chi est in s'art. 7 afatante.

At a tocare a tènneru in contu is mudaduras de populazione in is biddas o istariomos cando resurtant in su tzensimentu ufiziale o, cando custu non donat elementos chi abisòngiant, in is registros de sa populazione comunale.

Art. 3

Is distàntzias si mesurant movende dae sa linia de perimetratzione cun chi is Comunos s'ant a incurare de lacanare is biddas, tenende contu de is ainas urbanìsticas in vigore e si mai de is ainas de pianificatzione territoriale e comente si siat, de is bisòngios beros de is zonas tocadas (ammannimentu edilitziu, insediamentos industriales, atividades isportivas, etc.) e chi autorizant is Comunes.

Tocat a pònnere in mente a is distàntzias chi narant is regulamentos de Politzia Istradale e idràulicos dae is bias e dae is màrgines (lassende foras is bias intre is possedimentos e cunsortiles).

Art. 4

Totu is Comunes chi in su sartu issoro ponent arrosu si depent incurare, cun delibera aposta, a lacanare, cun planimetria catastale non prus manna de s'iscala 1:5.000, is logos anca bivet gente pro ischerare sa zona de respetu pro ddu semenare.

Sa delibera de su Comunu s'at a mandare a sa Provìntzia, cun su parre chi su Comunu s'est incuradu de nde àere coberadu dae sa Commissione Tècnicu-Sanitària chi est in s'art.13 afatante. Sa Commissione at a propònnere, si serbit, distàntzias prus longas o prus curtzas cunforma a cussas chi at propostu su Comunu.

Is Comunes, in prus, si depent incurare de trantzire a grados e de tantu in tantu is limites dae is logos anca bivet gente aici comente ddos ant ischerados in antis, pro apoderare agiornadas a manera fitiana is zonas de respetu suas, pro abarrare uguals, cunforma a s'ammannimentu edilitziu, is distàntzias prus curtzas chi si ponent in contu in s'art. 2 de custu Regulamentu. Totu is mudaduras tocat de ddas aprovare s'ghende sa protzedura inditada a subra.

Art. 5

Is Comunes ant a pòdere carculare distàntzias diferentes cunforma a s'altimetria, configuratzione e natura de is terras. In custu modu is làcanas de sa zona de rispetu depent sighire is lìnias naturales (bias, rios, atzuvaduras de su terrenu), pro chircare de non pònnere una parte de unu cungiadu in sa zona de rispetu e una parte foras dae cussa.

Art. 6

Cando si ponet arrosu in sa fàscia a oru de mare s'at a tènnere bene a contu s'arriscu de sa fichidura a suta de terra de su mare pro tantu in prus de sa distàntzia de rispetu s'at a dèpere apurare dae ue nde arribat e su consumu de s'abba pro abbare.

Art. 7

Is Comunes chi in is sartos issoro acostumant a pònnere arrosu e is Comunes chi apant tentu rechesta pro inghitzare arrosàias noas, o chi sunt in sa zona de rispetu, si depent incurare de fàghere issoro unu pianu aposta de cumpatibilidade pro pònnere arrosu cunforma a is inditos chi sunt in custu regulamentu, e in mesu a totu a is art. giai narados 2,3,4,5, aunidu a sa planimetria catastale in iscala non prus manna de 1:5.000. Si lassant fora de su pianu remonadu is arrosàias giai autorizadas o comente si siat chi giai ddoe sunt cando ant aprovalu custu regulamentu. Custa planimetria dd'at a aprovare in antis su Comune, a pustis de dd'ære castiada sa Commissione Tènicu-Sanitària chi est in s'art.13 afatante chi nde at a apurare chi is lìmities chi narat su Regulamentu ddos ponent in mente. A intro de bator meses dae sa publicatzione de custu regulamentu, custu àutu si depet mandare a sa Commissione Tècnica chi est in s'art. 13.

Art. 8

Is Comunes in prus si depent incurare, segundu a sa protzedura de subra, a torrare a carculare is zonas de rispetu, finas cunforma a sa crèschida de is ainas urbanísticas. Custos càrculos noos s'ant a dèpere comunicare a sa Provìntzia.

TÌTULU III

RECHESTAS PRO PÒNNERE ARROSU

Art. 9

Sa rechesta pro s'impiantu nou de arrosàias chi est in s'art. 206 de su T.U. de is Leges Sanitàrias, depet àere is inditos chi abisòngiant a ischerare sa terra de manigiare, depet èssere acumpangiada dae unu progetu tènicu e dae tàulas tènicas aposta in iscala non prus arta de 1:2000 in ue tocat a ischerare a su mancu sa terra e cantu est a tesu dae is logos chi sunt in s'art.2 passadu.

A totu is àutos chi sunt subra s'at a depet aunire finas s'autorizatzione chi lassat s'òrganu de cumpetèntzia pro nde pigare s'abba anca resurtet asseguradu, segundu a su tantu e a sa ratza, sa provista giusta chi serbit pro totu cantu andat su manìgiu.

Art. 10

Sa rechesta pro fàghere un'impiantu nou tocat a dda intregare a is Comunes interessados a intro de su 30 de onnisantu de s'annu solare prima de sa sèmèna. Is Comunes nde ant a incurare sa publicatzione in is albos issoro bìndighi dies. A intro de is 15 dies in fatu ant a pòdere intregare apuntos is chie nde apat interessu, cunforma a s'art. 207 de su Testu Ùnicu de is Leges Sanitàrias.

Art. 11

A intro de 30 dies de dd'ære intregada, sa rechesta, cando cumpreta de totu is àutos chi tocat a aunire, dd'at a castiare su Comune chi ddi cumpetet, e pro dd'acabbare s'at a mandare cun totu is apuntos chi ddi pertocat a sa Commissione Tènicu-Sanitària chi at a fàghere totu is verificas chi nche bolent.

A intro de 15 dies in fatu sa Commissione Tènicu-Sanitària at a mandare su parre suo a su Comune chi ddi cumpetet, chi at a cuntzèdere s'autorizatzione o su refudu cun is resonas suas.

Totu sa carrera de autorizatziones si depet serrare in giru de 60 dies dae sa rechesta.

Art. 12

Totu is àutos chi sunt in s'art.9 passadu, cun is providimentos suos, s'ant a iscrìere in registros chi tenent is Comunes, cun totu is inditos de autorizazione e si mai de rèvoça.

TÌTULU IV

COMMISSIONE TÈCNICU - SANITÀRIA

Art. 13

Sa Commissione Tècnicu-Sanitària chi est in is artìculos de prima, si nòminat, a intro de 60 dies dae cando ant aprovalu custu regulamentu, cun àutu de delibera de sa Giunta Provintziale chi cun custu providimentu nde at a detzìdere aici etotu su cumponimentu e is protzeduras de traballu.

Sa Commissione abarrat in càrriga tres annos, passados custos tocat de dda torrare a fàghere.

TÌTULU V

SU DE CASTIARE SU REGIME DE S'ABBA DE S'IMPIANTU DE ARROSU

Art. 14

Is canales e is foradas chi serbint pro s'abba ant a dèpere tènner sa portada bastante, onni cuntzessionàriu o mere ddos depet lassare lìmpios e istupados in modu de lassare cùrrere s'abba pro abbare e cussa de iscoladura

Art. 15

Cando in sa matessi propiedade de s'arrosucultore ddoe at iscavos o terrenos postos a livellu altimètricu prus bàsciu in ue, pro iscoladura dae is arrosàias a canta, s'acarropat s'abba o chi si faghent a lutzinas, istanes o paules, is meres o is chi tenent is arrosàias depent fàghere coras pro fàghere cùrrere s'abba accorrada.

Acontessende de non pònnere in mente, s'at a proibire de pònnere arrosu in is propiedades inditadas subra, segundu is normas de s'art. 209 de su Testu Ùnicu de is Leges Sanitàrias.

TÌTULU VI

NORMAS DE PREVENTZIONE SANITÀRIA

Art. 16

Cando s'arrosàia est impestada de berme in antis de si mudare a s'inzala o comente si siat de berme in antis de si mudare in àteru babbaloti o de babbalotis giai fatos, antròpodes e organismos diferentes chi s'iant vetores/atores finas feti potenziales de maladies infetivas, o chi acausionant s'òmine o s'animale, is arrosucultores si depent incurare a càrrigu issoro de pigare mesuras futas de controllu e de luta biològica o integrata, pro firmare custos organismos, rispetende cun rigore sa seguresa sua e de àteros e de s'ambiente. Custas mesuras ddas depet aprovare in antis sa Commissione chi est in s'art.13.

Art. 17

Sa Provintzia, cun is servìtzios suos, at a fàghere su monitoràgiu de is impestaduras; sa Commissione Tècnicu – Sanitària, una borta intèndidu is assòtzios de categoria, at a inditare is printzìpios ativos, is ritzetas, is modos de manigiare in is pràticas agronòmicas e in su controllu e luta contra de sa s'inzala o àteru agente chi impestat.

Art. 18

Acabbadu de regòllere s'arrosu, s'impiantu tocat a ddu fàghere sicare in totu, pro non nde essire paules e organismos inditados subra chi nde impestant su logu.

TÌTULU VIII

NORMAS GENERALES

Art. 19

Su Comune, cun sa manera chi detzident is ordinamentos suos, cando non si ponent in mente a is disponimentos chi sunt subra, at a revocare s'autorizatzione pro manigiare is terras, cando is arrosàias sunt giai fatas o ammanniadas in logos chi non faghiat. Manchende s'autorizatzione chi serbit o contras sa proibidura de s'autoridade, su Comune at a obligare a su contraventore de torrare comente fiat su logu a intro de bìndighi dies, passados custos at a ordinare cun provedimentu suo de distrùere is arrosàias paghende su contraventore etotu.

Art. 20

Su Comune, cun sa manera chi detzident is ordinamentos suos, cunforma a is verificas tècnicas/sanitàrias aposta, podet proibire de pònnere arrosu cando, mancari s'arrosucultore apat fatu su chi depiat fàghere a càrrigu suo, resurtet in ònnia modu logu de arriscu o de acausione mala a sa salute pùblica e/o cando inferret a malu modu is echilibrios ambientales de totu cussu logu.

Art. 21

Acontessende in cussu logu de nde essire maladies chi atacant, neghe, est a beru, de organismos chi naschent in is arrosàias, is mèigos incarrigados a sa preventzione, vigilàntzia e controllu de sa salute pùblica, nde ant a fàghere denùntzia a su responsàbile de s'Istrutura territoriale de sa ASL de cumpetèntzia in matèria, chi at a mandare a sa Provìntzia e a is Comunes is apuntos issoro pro is detzisiones de cumpetèntzia.

Art. 22

Cunforma a s'art. 215 de su T.U. de is Leges Sanitàrias e de sa Lege 17.10.1983 n. 69 art. 4 e 5, abarrende firmas is cumpetèntzias genèricas de is Ufiziales e Agentes de Politzia Giudiziària, sa vigilàntzia chi serbit pro asseguare su respetu de is disponimentos de custu Regulamentu, dda faghet, pro is partes chi tocant de cumpetèntzia a s'unu e a s'àteru, su Comune e s'istrutura territoriale sanitària e ambientale de cumpetèntzia.

Art. 23

Su de non pònnere in mente a custu Regulamentu s'at a punire cunforma a su Testu Ùnicu de is Leges Sanitàrias 27/7/1934, aprovalu cun R.D. n. 1265 e a àtera normativa in vigore a riguardu. Su Comune, cun sa manera chi detzidet in is ordinamentos suos, at a obligare a su chi tenet s'arrosàia in logos chi non faghiat o contras sa proibidura de s'Autoridade, de dda distrùere ponende a craru su tempus chi nche bolet pro ddu fàghere; passadu su tèrmine in chistione òrdinat de distrùere s'arrosàia paghende su contraventore. Sa proibidura de pònnere arrosu e/o sa distrutzione de is arrosàias non donant deretu a indennizu perunu.

Art. 24

Is intradas de is penas in dinari chi nde essint ponende in pràtica su Testu Ùnicu de is Leges Sanitàrias 27/7/1934, aprovalu cun R.D. n. 1265 e totu s'àtera normativa in vigore acapiada a custu Regulamentu, ddas faghent suas is Comunes de cumpetèntzia territoriale.

Art. 25

Pro totu su chi no est postu in contu in custu Regulamentu tocat a sighire is normas de lege in matèria in vigore.